



岳飞墓庙



Xihu Shici



岳飞墓庙：位于杭州栖霞岭南麓，建于南宋嘉定十四年（1221年），后时兴时废，1979年按南宋建筑风格加以整修。庙堂庄严肃穆。墓道两旁陈列的石虎、石羊、石马、石翁仲为明代遗物。岳飞，南宋抗金名将。绍兴十一年十二月（1142年1月），当朝宰相秦桧以“莫须有”的罪名将岳飞缢死于风波亭。

拜岳王墓

[宋]林景熙

寥落一抔在，英雄万古冤。
孤忠悬白日，遗恨寄中原。
树老残霞淡，尘深断碣昏。
东南天半壁，往事泣寒猿。

王业神州已陆沉，将军祠墓肃阴阴 宣佳宁 摄影



岳鄂王坟

[元] 赵孟頫

岳王坟上草离离，秋日荒凉石兽危。
南渡君臣轻社稷，中原父老望旌旗。
英雄已死嗟何及，天下中分遂不支。
莫向西湖歌此曲，水光山色不胜悲。

岳忠武王祠

[明] 于谦

匹马南来渡浙河，汴城宫阙远嵯峨。
中兴诸将思平敌，负国奸臣主义和。
黄叶古祠寒雨积，青山荒冢白云多。
如何一别朱仙镇，不见将军奏凯歌。

西泠烟雨岳王宫，鬼气阴森碧树丛 任鲸 摄影



满江红·题宋思陵与岳武穆手救墨本

[明]文徵明

拂拭残碑，敕飞字，依稀堪读。慨当初，倚飞何重，后来何酷！果是功成身合死，可怜事去言难赎。最无辜堪恨更堪怜，风波狱！岂不念，中原蹙？岂不惜，徽钦辱？但徽钦既返，此身何属！千古休谩南渡错，当时自怕中原复。笑区区一桧亦何能，逢其欲。

岳公祠

[明]徐渭

墓门朱戟碧湖中，湖上桃花相映红。
四海龙蛇寒食后，六陵风雨大江东。
英雄几日乾坤转，忠孝谁家俎豆同。
肠断两宫终朔雪，年年麦饭隔春风。

英雄几日乾坤转，忠孝谁家俎豆同 曹元 摄影



岳王祠

[明] 杨于庭

王业神州已陆沉，将军祠墓肃阴阴。
和戎社稷浑无策，报主乾坤只此心。
原草尚含南向恨，塞鸿空断北来音。
可怜十二金牌诏，父老攀留泪满襟。

岳王坟

[明] 张岱

西泠烟雨岳王宫，鬼气阴森碧树丛。
函谷金人长堕泪，昭陵石马自嘶风。
半天雷电金牌冷，一族风波夜壑红。
泥塑岳侯铁铸桧，只令千载骂奸雄。

寥落一抔在，英雄万古冤 曹元 摄影

